

ЎЗБЕКИСТОН РЕСПУБЛИКАСИ
АДЛИЯ ВАЗИРЛИГИ ТОМОНИДАН
РЎЙХАТГА ОЛИНГАН
15.07.2019 й.
N 3030-1

ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИНИНГ
08.06.2019 й.
N 13/14

ҚАРОРИ

Ҳужжатнинг рус тилидаги
матнига қаранг

**Банк хизматлари истеъмолчилари билан
ўзаро муносабатларни амалга оширишда
тижорат банкларининг фаолиятига қўйиладиган
минимал талаблар тўғрисидаги низомга
ўзгартириш ва қўшимчалар
киритиш ҳақида**

Ўзбекистон Республикасининг "Ўзбекистон Республикасининг Марказий банки тўғрисида"ги Қонунига мувофиқ Марказий банк Бошқаруви **ҚАРОР ҚИЛАДИ:**

1. Ўзбекистон Республикаси Марказий банки Бошқарувининг 2018 йил 28 апрелдаги 16/18-сон қарори (рўйхат рақами 3030, 2018 йил 2 июль) (Ўзбекистон Республикаси қонун ҳужжатлари тўплами, 2018 йил 9 июль, 27-сон, 553-модда) билан тасдиқланган Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисидаги низомга иловага мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан уч ойдан кейин кучга киради.

Марказий банк раиси

М. Нурмуратов

**Қарорга
ИЛОВА**

**Банк хизматлари истеъмолчилари билан
ўзаро муносабатларни амалга оширишда тижорат
банкларининг фаолиятига қўйиладиган минимал
талаблар тўғрисидаги низомга киритилаётган
ўзгартириш ва қўшимчалар**

1. 5-банд қуидаги таҳрирда баён этилсин:

"5. Банк хизматларини тақдим этиш шартлари, ушбу шартларнинг ўзгариши ҳақидаги маълумотлар банкнинг расмий веб-сайтида эълон қилиниши, шунингдек банкнинг ахборот стендларида доимий равишда жойлаштириб борилиши керак.

Бунда, банк хизматларини тақдим этиш шартларининг ўзгариши ҳақидаги маълумот кучга киришидан камида ўн кун олдин, валюта айирбошлиш курсларининг ўзгариши тўғрисидаги маълумот зудлик билан эълон қилиниши лозим.".

2. Қуидаги мазмундаги 6-1-банд билан тўлдирилсин:

"6-1. Истеъмолчи банк хизматларини кўрсатиш тўғрисидаги шартномани (кредит, депозит, банк ҳисобварағига хизмат кўрсатиш, лизинг, банк карталари ва бошқалар бўйича) имзо қўймасдан олдин танишиб чиқиши учун ўзи билан олиб кетишга ҳақли.

Банк истеъмолчини ушбу ҳуқуқка эга эканлиги тўғрисида хабардор қилиши лозим".

3. Қуидаги мазмундаги 12-1-банд билан тўлдирилсин:

"12-1. Банк истеъмолчига ёки унинг ваколатли вакилига банк хизматини кўрсатиш тўғрисида шартнома имзоланган кунда шартноманинг битта асл нусхасини тақдим этиши керак."

4. 13-банд қуидаги мазмундаги хатбоши билан тўлдирилсин:

"Расмий веб-сайтга жойлаштирилаётган ахборотларнинг санаси кўрсатилиши керак".

5. Қуидаги мазмундаги 24-1-банд билан тўлдирилсин:

"24-1. Банк омонатчилар учун қонун ҳужжатларида назарда тутилмаган чекловлар ўрнатишга ҳақли эмас."

6. 26-банд қуидаги мазмундаги тўққизинчи - ўн учинчи хатбошилар билан тўлдирилсин:

"фоиз ставкалари;

омонат бўйича асосий сумма ва фоизли даромадларни тўлаб бериш тартиби;

омонатга қўшимча маблағ киритиш имконияти;

омонатга нақд пулларни кирим қилиш қандай ҳужжат билан расмийлаштирилиши;

омонатга қўйиш мақсадида банк кассасига нақд пулларни топшириш ёки банк ҳисобварағига маблағларни ўтказишдан аввал банк билан депозит шартномасини расмийлаштириш шартлиги";

тўққизинчи хатбоши ўн тўртинчи хатбоши деб ҳисоблансин.

7. 27-бандда:

тўртинчи хатбоши қуидаги таҳрирда баён этилсин:

"фоиз ставкасининг йиллик номинал қиймати, шунингдек истеъмолчи мурожаат қилган санадаги кредитнинг тўлиқ қиймати (шартнома тузиш пайтида унинг мутлақ қийматини, яъни кредит ёки қарзнинг асосий қиймати, фоизлари, комиссиян ва бошқа тўловлар, шу жумладан амалдаги тарифлар бўйича учинчи шахс фойдасига тўланадиган тўловларни, агар бундай тўловлар қарздорнинг мажбурияти бўйича шартнома шартларидан келиб чиқадиган бўлса, уларни алоҳида кўрсатган ҳолда маълумот тақдим этади);";

қуидаги мазмундаги хатбошилар билан тұлдирилсін:

"истеъмолчи томонидан кредит олиш учун тақдим этилган хужжатларни күриб чиқиши, кредитни тақдим этиш ва ундан фойдаланиш муддатлари;
кредит олиш учун зарур бўлган хужжатларнинг тўлиқ рўйхати;
кредит таъминотига қабул қилинадиган гаров турлари (агар гаров талаб қилинса).".

8. Куйидаги мазмундаги 30-1-банд билан тұлдирилсін:

"30-1. Истеъмолчи кредит олиш учун банкка мурожаат қилганида, банк мазкур Низомнинг иловасига мувофиқ Кредитнинг асосий шартлари тўғрисидаги ахборот варақасини (бундан бўён матнда Ахборот варақаси деб юритилади) истеъмолчи билан биргаликда тўлдиради ва истеъмолчига бепул тарзда тақдим этади.

Ахборот варақаси кредит олиш учун буюрманома ҳисобланмайди.".

9. Куйидаги мазмундаги 36-1-36-4-бандлар билан тұлдирилсін:

"36-1. Истеъмолчи-жисмоний шахс банк хизматлари учун тўловларни амалга ошириш шаклини ўзи мустақил танлаш ҳуқуқига эга.

36-2. Банк томонидан тўлов шаклига қараб (нақд пул билан ёки нақд пулсиз ҳисобкитоблар) банк хизматлари учун ҳар хил нархлар (тарифлар) белгилаш тақиқланади.

36-3. Истеъмолчиларга нисбатан банк томонидан банк хизматлари учун тўловларни фақат ўз филиалларининг кассалари (мини-банклари) орқали ва (ёки) нақд пул шаклида тўлаш, шунингдек омонатларга маблағлар фақат нақд пул шаклида қабул қилиш лозимлиги бўйича талаб белгиланишига йўл қўйилмайди.

36-4. Истеъмолчи-жисмоний шахс яшаш жойидан қатъи назар, ўзи танлаган банкка кредит олиш учун мурожаат этишга ҳақли.".

10. 38-бандда:

биринчи хатбошисидаги "банкка ўтказиш" деган сўзлар "шахс фойдасига воз кечиши" деган сўзлар билан алмаштирилсін;

қуидаги мазмундаги хатбоши билан тұлдирилсін:

"Мазкур банднинг биринчи хатбошида назарда тутилган қоидалар ипотека кредитлари бўйича талабларни Ўзбекистон Республикаси Президентининг 2019 йил 13 майдаги ПФ-5715-сон "Ипотека кредити бозорини ривожлантириш ва кенгайтиришга оид қўшимча чора-тадбирлар тўғрисида"ги Фармони билан ташкил этилган Ипотекани қайта молиялаштириш компаниясига ўтказиш ҳолатларига татбиқ этилмайди.".

11. Куйидаги мазмундаги 47-1-47-6-бандлар билан тұлдирилсін:

"47-1. Банк истеъмолчининг мурожаат қилиш ҳуқуқини чеклашга ҳақли эмас. Банк томонидан истеъмолчиларнинг мурожаатларини кўриб чиқиши бепул амалга оширилади.

Банк томонидан мурожаатни қабул қилишни рад этишга йўл қўйилмайди.

47-2. Банк ўзининг расмий веб-сайти орқали истеъмолчиларнинг электрон мурожаатларини қабул қилишни ташкиллаштириши лозим.

47-3. Банклар истеъмолчилар билан телефон алоқаси орқали боғланишини таъминловчи Call-марказларга эга бўлишлари лозим. Мазкур Call-марказлар орқали истеъмолчиларга банк фаолияти билан боғлиқ оғзаки маслаҳатлар ва тушунтиришлар берилиши керак.

47-4. Call-марказлар телефонларининг рақамлари банк расмий веб-сайти бош саҳифасида, шунингдек унинг филиаллари, мини-банклари ва банк биносидан ташқарида жойлашган кассаларининг ахборот стендларида жойлаштирилиши лозим.

47-5. Call-марказ орқали тушаётган мурожаатлар иш вақти давомида қабул қилинади.

47-6. Истеъмолчининг оғзаки мурожаатида баён этилган масала қўшимча ўрганишни ёки қўшимча текшириш ўтказишни талаб этмаса, ушбу мурожаатга жавоб телефон орқали ёки шахсий қабул давомида оғзаки берилиши мумкин.

Агар истеъмолчининг оғзаки мурожаатида баён этилган масаласи қўшимча ўрганиши талаб этса, истеъмолчига мурожаатни тасдиқловчи хужжатларни илова қилган ҳолда ёзма ёки электрон шаклда тақдим этиш таклиф этилади".

12. Куйидаги мазмундаги 49-1 ва 49-2-бандлар билан тўлдирилсин:

"49-1. Истеъмолчиларнинг ёзма мурожаатлари банкка келиб тушган кундан эътиборан ўн беш кун ичida, қўшимча ўрганиш ва (ёки) текшириш, қўшимча хужжатларни сўраб олиш талаб этилганда эса, бир ойгача бўлган муддатда кўриб чиқилади.

Мурожаатларни кўриб чиқиш учун текшириш ўтказиш, қўшимча материалларни сўраб олиш ёхуд бошқа чора-тадбирлар кўриш зарур бўлган ҳолларда, уларни кўриб чиқиш муддатлари банкнинг раҳбари томонидан истисно тариқасида узоги билан бир ойга узайтирилиши мумкин, бу ҳақда мурожаат этувчига хабар қилинади.

49-2. Куйидаги мурожаатлар кўриб чиқилмайди:

аноним мурожаатлар;

жисмоний ва юридик шахсларнинг вакиллари орқали берилган мурожаатлар, уларнинг ваколатини тасдиқловчи хужжатлар мавжуд бўлмаган тақдирда.

Мурожаатлар кўрмай қолдирилганда тегишли хулоса тузилади, у банкнинг раҳбари ёки ваколат берилган мансабдор шахси томонидан тасдиқланади.

Жисмоний ва юридик шахс вакилининг ваколатини тасдиқловчи хужжатлар мавжуд эмаслиги сабабли мурожаатлар кўрмай қолдирилганлиги тўғрисида мурожаат қилувчи тегишли тартибда хабардор қилинади".

13. Мазкур ўзгартириш ва қўшимчаларнинг иловасига мувофиқ таҳрирда илова билан тўлдирилсин.

**Ўзгартариш ва қўшимчаларга
ИЛОВА**

**"Банк хизматлари истеъмолчилари билан
ўзаро муносабатларни амалга ошириша тижорат
банкларининг фаолиятига қўйиладиган минимал
талаблар тўғрисида низомга
ИЛОВА**

Кредитнинг асосий шартлари тўғрисидаги ахборот варакаси*

Тижорат банкининг номи	
Мазкур варака ким томондан тўлдирилган (<i>Ф.И.О. ва банк мутахассисининг лавозими</i>)	
Тўлдирилган сана	

1-бўлим. Кредит бўйича маълумотлар

1. Кредитнинг максади (тури)		
2. Ажратиладиган кредитнинг валюта тури		
3. Кредитнинг миқдори		
4. Кредитнинг муддати		
5. Кредитнинг фоиз ставкаси <i>(номинал миқдорда)</i>	<i>(фоиз кўринишида)</i>	<i>(кредитнинг тўлиқ муддатига пул кўринишида)</i>
6. Кредитнинг тўлиқ киймати <i>(номинал фоиз ставкасини ва кредитга хизмат кўрсатилини ўз ичига олади)</i>		
7. Тўловларнинг даврийлиги <i>(ҳар ойда, ҳар чоракда ва ҳ.к.)</i>		
8. Кредитни сўндириш усули <i>(аннуитет усулида (тeng миқдорларда), кредитнинг қолдиқ суммасидан камайиб борши усулида ва ҳ.к.)</i>		
9. Тўловларнинг даврида бир марталик тўловнинг суммаси	<i>(аннуитет усулида)</i>	
10. Кредит билан боғлиқ кўшимча харажатлар, жумладан:	<i>(кредитнинг тўлиқ муддатига пул кўринишида, жами)</i>	
- Турлари бўйича банкнинг комиссия ва йиғимлари <i>(алоҳида кўрсатилсан)</i>	<i>(кредитнинг тўлиқ муддатига пул кўринишида)</i>	
- учинчи шахслар хизмати <i>(алоҳида кўрсатилсан)</i>	<i>(кредитнинг тўлиқ муддатига пул кўринишида)</i>	

Кредит олишга рози бўлишдан олдин дикқат билан ўрганиб чиқинг!

**) Мазкур варақа кредит шартномаси ёки кредит олиши учун буюртманома ўрнини босмайди, аксинча турли банкларнинг кредитлаши шартларини таққослашга ва керакли танловни амалга оширишга ёрдам беради.*

2-бўлим. Бошқа муҳим шартлар

1. Кредит шартномаси шартлари бузилганлиги учун неустойка	(фоиз ёки қатыйй белгиланган сума күрсатылади, шунингдек неустойка ҳисоблаш учун асос бўлувчи шартнома шартлари келтирилади)
2. Кредит бўйича қарздорлик ўз вақтида сўндирилмаганлиги учун кредит суммасидан тўланадиган оширилган фоиз ставкаси микдори (агар бундай шарт мавжуд бўлса)	(фоизда)
3. Кредитнинг таъминоти <i>(таъминот предметига қўйиладиган минимал талаблар, гаровнинг минимал қиймати)</i>	

Мазкур ахборот варақасининг 1 ва 2-бўлимларда келтирилган маълумотлар якуний ҳисобланмайди ва кредит шартномасида ўзгартирилиши мумкин.

3-бўлим. Кредит олиш учун тақдим этилиши лозим бўлган ҳужжатлар рўйхати

1.

2.

...

4-бўлим. Бўлажак қарз оловчи сифатида Сизнинг ҳуқуқларингиз

1. Сиз банкни ва банк хизматларини танлашда эркинсиз.
2. Сиз кредит шартномаси ёки бошқа шартнома ва битимларни имзолашдан бош тортишга ҳақлисиз.
3. Сиз кредит шартномаси тузишда шартнома тузиладиган тилни танлаш ҳуқуқига эгасиз (давлат ёки рус тилларида).
4. Сиз кредит шартномаси лойиҳасини банк ташқарисида танишиб чиқиш ва маслаҳатлашиш учун олишга ҳақлисиз.
5. Сиз кредитнинг шартлари ва қиймати тўғрисида, тўловлар ва ҳисоб-китоблар тартиби тўғрисида (фоизлар, жарима ва пенялар), кредит шартномаси бўйича Сизнинг ҳуқуқларингиз ва мажбуриятларингиз тўғрисида, кредит шартномаси бўйича юзага келиши мумкин бўлган хатарлар ва жавобгарликлар тўғрисида, шунингдек Сизга тушунарсиз бўлган бошқа масалалар юзасидан банкдан тўлиқ ва батафсил маълумот олишга ҳақлисиз.
6. Кредит шартномаси имзоланганидан кейин, бироқ пул маблағлари ҳақиқатда олингунга қадар Сиз кредит олишдан бирон-бир тўловларсиз воз кечиши ҳуқуқига эгасиз.
Банк ходимлари ҳақ эвазига кредит олиш юзасидан кўмаклашишга ҳақли эмас.

Агар Сизда шикоятлар мавжуд бўлса, у ҳолда Сиз мурожаатингизни (*телефон рақами кўрсатилади*) рақамли телефонга ёки (*банкнинг почта манзили кўрсатилади*) манзилга ёки (*банкнинг электрон почтаси манзили кўрсатилади*) электрон манзилга жўнатишингиз мумкин.

АХБОРОТ ВАРАҚАСИННИГ ТЎҒРИЛИГИ ВА ҲАҚИҚИЙЛИГИ ТАСДИҚЛАНАДИ.

(*Ф.И.О. ва банк мутахассисининг лавозими*) ".

Қонун ҳужжатлари маълумотлари миллий базаси (www.lex.uz),
2019 йил 15 июль

"Ўзбекистон Республикаси қонун ҳужжатлари тўплами",
2019 йил 22 июль, 29-сон, 520-модда

